

Vol. 44	Issue No. 3	Ramhlun North: Ni 17 January, 2026
 BRANCH THU THAR ■ Pu Rorelliana, Branch Treasurer chu kum 2026 Central YMA Disaster Response Team (CDRT) member atan ruat a ni. ■ Zangena Petrol Pump Taxi Welfare te chuan thlan pakhat laihna tur ₹ 2000/- Branch ah an pe a, an chungah Branch chuan lawmthu a sawi.  SECTION THU THAR ■ Vanapa Section: Pu R. Rotluanga te chhungkua, V-Sec. chuan an nu, Pi Lalhmachhuani (L) hriatreng nan Vanapa Section te khuang stand an pe. Tin, Pu F.Laldawngliana, te chhungkua, V-Sec. chuan an nu Pi Laltlanmawii (L) hriatreng nan Vanapa Section te khuang te leh a lian an pe. Thilpek petute chungah Section hruaituten lawmthu an sawi tak meuh a ni. Last Committee hi Falfim Game House, Mualpui ah ni 22.1.26 (Ningani) zan khian an nei dawn a, zanriah an kilho nghal ang. ■ Neuva Section: Neuva Section Committee te chuan ni 20.1.26 (Thawhleghi) khian Rov-ing Spart, Hangi Lunglen tlangah Last committee an nei dawn a ni. ■ Taitesena Section: Taitesena section Committee te chuan Regal Karoke, Ngaizelah ni 20.1.26 (Thawhleghi) zana Last Committee an nei dawn a ni. ■ Saizahawla Section: Saizahawla section Committee te chuan ni 20.1.26 (Thawhleghi) zan khian Zo Aw Mawi, Hualngohmun ah Last committee nei in zanriah an kilho nghal dawn a ni. ■ Khuangchera Section: Khuangchera section Committee te chuan ni 16.1.26 (Zirtawpni) zan khian Runmawiah Last committee an nei a, zanriah an kilho nghal a ni.	KUM 2026 MARYMA ENKAWLTU TURTE INRUAT FELANI (Mawhpurhna hrang hrang chelhtu turte) Ramhlun North, the 17th January, 2026: Kum 2026 atana Maryma enkawltu turte inruat fel a ni a, Maryma enkawl tur hian tleirawl deuh te tlawmngaia sem tur hian kan in ruat chhuak thin a, khawtlang rawngbawlna a ngai a nu leh pa te pawhin kan lo hriatpuia thahnem min ngaihpui turin kan in ngen a ni. Joint Editor, Assistant Manager, News Editor, Circulation Manager leh Agent te a hnuaia mi ang hi an ni: Joint Editor-te: 1. Nl. Lalrotluangi Zote 2. Pu Henry VL Nghilhlova Zote Assistant Manager: 1. Tv. Zodingliana 2. Tv. Lalrinchhana 3. Tv. Lalrinawma News Editor: 1. Tv. Lalrintluanga 2. Tv. Lalrawntluanga 3. Tv. Andrew Lalmalsawma 4. Pu Samuel R. Lalmangaiha 5. Tv. D. Lianmanga 6. Tv. Vanlalremruatpuia Ralte Circulation Manager: 1. PB Lahuapzauva 2. Samuel Lalhlupaia 3. Hmingthanzuala 4. Vanlalrinkima 5. R. Zodinsanga 6. Zothankhuma, 7. Lalrinchhana 8. K. Lalmuanpuia Agent te: Vanapa Section: 1. Lalruatfela 2. Zohmangaihsangi 3. Samuel VL. Lawmawma 4. Grace Lalrinawmi 5. Vanlalthapuii 6. K. Lalhchanchhuaha 7. Vanlalduhthlani 8. Lalnunthara 9. Lalnunpuia 10. Jacob Lalpeksanga 11. Lalrinchhana 12. Lawmnasangzuali Taitesena Section: 1. Vannunenga Ralte 2. Kiki K. Zothankimi 3. PC. Zorinkima 4. Anison Lalnunngila 5. Lalrinawmi 6. Lalruatkimi 7. Mimi Lalnunmawii 8. Vanlalthlamuanpuui 9. C. Malsawmtluanga Chawngbawla Section: 1. Lallawmkimi 2. Joshua Malsawmzuala 3. Lallawmzuali Ralte 4. Francis Lalrammawia 5. Malsawmtluanga 6. Vanlalruatsanga 7. Lalrinawma 8. Jonathan L. Hrahse 9. Irene Lalrinchhani 10. Rosangzuali Varte Neuva Section: 1. Catherine Lalngaihawmi 2. Lalbiakdika 3. Vanlalchhanhima 5. Lalrorela Ralte 6. Samuel Lalawmpuia 7. Zodintluanga Saizahawla Section: 1. Ramdinmawii 2. K. Lallianzuala 3. Lucy Lalremmtluangi 4. Vanlalhruii 5. Lalmangaihzuale 6. Lalramhluni 7. Ruthi Vanlalruatpuui 8. Vanlalruatfeli 9. Vanlalrinliana Khuangchera Section: 1. Lalnunpuui Zote 2. Vannunhlua 3. Lalmangaiha 4. Lalremmawii 5. Lalmalsawma Hnamte 6. Zodinpuui 7. Joel Lalbiakmawia 8. Lalbiakdika 9. H. Lalthazuala	CENTRAL ANTI-DRUGS SQUAD (CADS) DIN A NI Central YMA chuan YMA Kumpuan ‘Ruihhlo Do’ bawhzuina turin Central Anti-Drugs Squad (CADS) a din a, 1st Batch puipa leh member tur ruat in an term hi April ni 20, 2026 thleng a ni ang. Ni 20.01.2026 (Thawhleghi) chawhnu dar 3:00 hian CADS office hawn a duty chhunzawm nghal tur a ni dawn a ni. Aizawl khawpui hi zone hrang hrangah thenin hmalak dan tur ngaihtuah a ni dawn a, hemi atan hian khawpui chhunga Branch YMA Office Bearers te inhmukhawm January ni 23, 2026 (Zirtawpni) zan dar 7:30 ah Dawrpui Multipurpose Hall-ah neih a ni ang. Central Anti-Drug Squad (CADS) hi ruihhlo do kawnga pawl pawimawh ber pakhat an ni a. Kan khawtlang leh hnam himna kawngah hna ropui tak an thawk a ni. Sawrkar department hrang hrang, Police leh Excise-te tan 'kut leh ke' pawimawh tak an ni a, Mizoram hmun hrang hranga ruihhlo hlur vur ven kawngah hma an la thin.



Kan hun tawn mek han thlir hian Print Media hian a hlutna a hloh nasa tawh hle niin a hriat a. Hengte hi eng dang vang nilovin khawvel changkanna leh awlsamna in min chhiah hneh tawh vang a ni ber mai. Mi tam zawk in smart phone kan hum tawh a, khawvel hmun hrang hrang chanchin leh thil thar zirnaah digital media lamah kan tuan nasat tak avangin print media hian ngaih pawimawh loh a hlawh tial tial ta.

Digital media a rawn lar tak hnuah pawh, print media (a bik takin chanchinbu leh lehkhabu) hlutna hi a la nep chuang lo va. A rintlakna te leh vawn that reng theih a nihna te hian a hlutna a tizual a ni.

Maryma hi chanchinbu satliah a ni lo va, Ramhlun North veng mipuite inzawmna hrui a ni. Veng chhung thil thleng hrang hrang; lungngaihna leh lawmna, kohhran leh tlawmngai pawl hmalakna hrang hrangte, tualchhung mi ngeiin an ziah a nih avangin digital media-in a pek theih loh ‘tualchhung chanchin mai bakah inhmelmhriatna’ min pe a ni. Khawvel hi eng anga changkang pawh ni se, kan veng min thlunzawm tlat tu Maryma hi kan hlut thiam zel a pawimawh hle.

Maryma neitu chu Ramhlun North Branch YMA a ni a, a enkawltu tur pawh kumtinin Branch YMA-in a ruat thin. Mahse, a neitu dik tak erawh veng mipuite kan ni a, Ramhlun North mi ka ni inti tawh phawt tan chuan he chanchinbu hi kan ta vek a ni tih hre thar ila.

Chutih rual chuan, kumin Maryma enkawltute hi mi famkim lo rual kan ni a, chanchinbu kan enkawlna kawngah pawh tihsual kan nei thin ang. Insawisel mai lova kan diklohna leh insiamthat kan mamawhna lai min hrilhthu kan la mamawh dawn chauh a, min finchhuah zel turin chhiartute leh Maryma lo ngaihlu tute kan sawm che u a ni. Hemi kawnga kan tanrual phawt chuan Maryma pawh hian hma a sawn ngei kan beisei tlat a ni.



KHAWTHLIR

RALVAWNG TLANG

Ralvawng Tlang hi tlang hmingthang ti-a sawi hluai tur chu ni lo mah sela, Mizo History leh thawnthuah chuan hmun pawimawh tak a chang thung. History zirmite tan hmai theih hauh loh a ni. Tlang sang leh ropui tak a ni lo na a, ama tawkah tlang thlir hlawh tak a ni thung.

He tlang hi Biate khaw ral mai hmar chhak lam hreta awm a ni a, Biate khua atangin chiang takin a lang a, Biate khaw ral mai a ni. Chhuah lamah khawchhak tuiipuiin a luan vet a, Sialhawk, Biate leh Riangleite hi a bula khaw awm hnai deuhte an ni.

Zo hnahtlak zingah Biate hnam lo chen tawhna hmun a ni a, Biateho hming phuah a ni. A hming put chhan chiang taka sawi hleih theih a ni lova, thawnthu leh titiah chuan helai hmuna Biateho an awm lai hian an pasaltha hmingthang pakhat chu Ralvawnga a ni a, Ralvawnga hi khaw chhantu, lal darphaw nih tling khawpa huaisen a ni. Chumi hming chawia phuah chu a ni mai thei a ni.

Ralvawnga hi pasaltha angin kan han sawi na a, a hunlai chuan pasaltha leh lal nih kawp ni awm tak a ni. Hetih hunlai hian tuna Biate khua pawh hi Biate tih a ni lova, Zialung tih a ni thin.

Tlang cheng muak lurh mai a ni a, a chung zawl durh angin a lang a, a san ang huiin tlang sang anga ngaih a ni lo. Feet 4000 bawr vela sang a ni. Khaw chuan a nuam a, a hmun a thengthaw nuam hle a, khaw han chuan vel nana duhtthusam a ni.

He tlang hi tlang dung inkhawh sei tak a ni lova, a bulthut chu khawchhak tuipui atangin a intan a, khawchhak leh khawthlang lamah kham chhawrdawh sang tak tak a awm hlawm a, heng khamahthe hian puk tha tak tak a awm bawk. Ral atanga han thlir chuan a kham chawivelte hi a mawi em em a, a ropuiin a hmuhnawm hle a ni. A tlang pangperte kham chawi deuh hlir ni mah sela, a tlang chhip lam leh hmun thenkhat lai chu ram rem tha tak tak a ni.

Tlang sang mual cheng lurh mai a ni a, englai pawhin Zo thlifim a thaw heuh heuh reng a, nipui laiin a lum lutuk lova, thlasik lai pawhin tawrh hreawm khawpin a vawt ngai lo. Boruak nuam leh tha tak a ni na a, hmanlai chuan khuate dinin han kai ve bawk thin mah sela, an dam theih loh chhuanlamin

an chhuahsan leh mai thin a ni.

Ralvawng tlang leh a chhehvel ram hi ram inpharh tha tak mai a ni a, buh leh bal that duhna hmun a ni a, Ralvawng ram an neih hi chuan buh leh balah an hausak kum a ni fo thin.

He tlang bawm ram hi thing leh mau thatna hmun a ni a, a kham a chawi leh a lui tlawh chhante bakah ngaw hmun chhah tha tak takte a awm reng avangin hmanlai hun chu sawi loh, tun hun thleng pawhin ramsa leh nungchate vangkhaw nuam a ni reng a, sathar leh sazate tan phei chuan run nuam a la ni reng a ni. A ram sahmul then leh kham chawite hian a zir bawk a, sakei thlenga awm duhna hmun a ni a, hmanlai hun phei chuan an tam hle thin. Tun hun thleng pawhin sakeiin a la tlawh fo thin a ni. Kham khuaite leh sava chi hrang hrang englai pawhin an tam em em reng a, saza, sathar, sazuk, sanghal leh sakhite hmuh tur an la awm.

Hmanlai hunah chuan Ralvawng puk leh kham rang ropui takah hian ramhuaite awm thina ngaih a ni a, lasite thleng pawhin a chhehvel ramah hian awma ngaih a ni thin a ni. Hmanlai chuan taumeichherchhite hi an tam em em thin a, tun hnuah erawh chuan hmuh tur an awm ngai ta meuh lo.

Ralvawng kham hmun thenkhat laiah hian Mura pukte a awm a, Mura an hlauh hunlaia an tlanchhiatna hmun a ni. Pasaltha huaisen Ralvawnga chuan nunau, tar leh upa chak lo zawkte humhim nan Mura puk hi a hmang thin niin a sawi. Mura a lokal tawh chuan mitinin an hlau em em a, an tlanchhe chawn chawn a, inhumhimna tur an zawng a, chung hunah chuan pasaltha huaisem Ralvawnga chuan a puk hmuhchhuahah nunauho chu a dah a, Mura lakah an lo him ta thin a ni.

Mura hi sava lianpui mai, a thla leh a meite chu themtleng chen chen, chak em em mai a ni a, naupang tuala awmte hi a la mai thin a, inchhunga mite pawh inchungah a fu a, a meiin inchhung mi chu a hawl chhuak a, pawn an lo chhuah veleh a lo la mai thin a ni. Mihringte, ramsate a ei thin a, chuti anga sava hlauhawm a nih avang chuan an hlau em em a, Zoram hmun tam takah Mura laka an invenna Mura Puk hmuh tur a awm a ni. Hmanlai huna sava lian leh hlauhawm bera an sawi ni mah sela, tun hnuah erawh chuan hmuh tur a awm tawh lo.

Editor: Vanengmawia (7085878827); **Jt. Editor-te:** A. Lalfakzuala, Lalrotluangi Zote, , Henry VL Nghilhlova Zote
Manager: Lalremsanga Hnamte (8974845664); **Asst. Manager-te:** Zodingliana, Lalrinchhana, Lalrinawma
News Editors: Lalrintluanga, Lalrawntluanga, Andrew Lalmalsawma, Samuel R. Lalmangaiha, D. Lianmanga, Vanalremruatpuia Ralte
Circulation Managers: PB Lalhupazauva, Samuel Lahlupuia, Hmingthanazuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

**ZIN & HAW**

■ Pu R. Lalrinmawia, Ex-President V-Sec. Thaizawla zin chu a lo haw leh ta.

■ Pu Tlangtimawia Zote, Ex-President te nupa, V-Sec. an tu leh fate zima buaipuia Shillong-a zin chu an lo haw leh ta.

■ Tv CK Lalthanzuala te chhungkua, K-Sec. Krismas leh Kumthar hmanga Seasawng a kal chu an lo haw leh ta.

■ Pu K. Lalhrulaitluanga te chhungkua, K-Sec. Krismas leh Kumthar hmanga aE. Phaileng kal chu an lo haw leh ta.

■ NI Saidingpuui te unau, K-Sec. Krismas leh Kumthar hmanga Khanpuia kal chu an lo haw leh ta.

■ Pu R. Lalramhlua, S-Sec. thil pawimawh buaipuia lo haw chu a thawhna hmun Winchester lamah a kal leh ta e.

■ Tv Lalruatpuia s/o Laltanpuia, C-Sec. chu a hnathawhna hmun Mamit lamah a kal leh ta.

■ Agatha Lalruati d/o David Laltanpuia, V-Sec. chu a zima hmun Kolkata atangin chawlh hmangin a lo haw.

■ Pi Amy Lalawmpuii w/o Henry VL Nghilhlova Zote, V-Sec. chu hna thil avangin Shillong-ah a zin.

■ Pu Tommy Hmingdailova Zote te chhungkua, V-Sec. Krismas leh Kumthar hmanga rawn haw chu an hnathawhna hmun Saitual lamah an kal leh ta.

■ Pu Rodingliana Rokhum te chhungkua, V-Sec. Serchhip lama zin chu an lo haw leh ta e.

■ Pu C. John Saiparlina te nupa, T-Sec. Guwahati-a zin chu an lo haw leh ta e.

■ NI. Lalduhawmi d/o K. Lalchawimawia, K-Sec. chu a zima hmun Himachal Pradesh-ah a kal leh ta.

**KOHHRAN**

■ **Presbyterian Kohhran, Ramhlun North:** Ni 16.01.2026 (Zirtpawni) zan khan rawngbawltu hlanna hun an hman.

■ **Roman Catholic:** Tun Pathianni ni 18.01.2026 Kohhran Inkhawmban hian kumin (January - June) atana Basic Ecclesial Community (BEC) Unit hrang hrang a hruaitu thar te tarlan leh Puithiam Blessings na hun hman tum a ni.

Tin, January ni 19 zan hian Catholic Thalai Pawl inhlantharna hun leh kumin chhunga group hruaitu tur inthlanna hun an nei dawn.

LEI PIAH LAMAH

Sangluri, K-89 w/o HD Rokunga (L), C-Sec. chu ni 10.01.2026 dar 10:00 PM khan a boral a, a ruang hi lumen a ni a, a tuk ni 11.01.2026 chhun dar 12:00 ah Ramhlun North Thlanmual, Zemabawk ah vuiliam a ni.



Lallura Pachuau, K-71 h/o Zonunmawii Zadeng, T-Sec. chu 16.01.2026 dar 05:10 AM khan a boral a, hemi ni vek dar 1:00 PM ah Ramhlun North Thlanmual, Zemabawk ah vuiliam a ni.



Lusun khawhar chhungte thlamuantu Pathianin vengin awmpui zel che u rawh se.

**DAMLO**

■ Pi Lalhlimpuii w/o T. Lalawmpuia, K-Sec. chu zunkawng fello avangin Synod Hospital, Durtlang ah admit a ni

■ Ht Zothankimi d/o Vanengmawia, K-Sec. chu Bronchitis vangin LRM Hospital-ah admit a ni.

■ Pu Rothuama, C-Sec. chu Synod Hospital, Durtlang ah Dialysis ti turin an lut.

■ Tv Malsawmdawngliana s/o Pu Laltanliana, V-Sec. chu hun rei tak Ebenezer Hospital-a an inenkawl hnuah in lama in enkawl turin an rawn chhuak.

■ Pi Lalsangliani w/o Vanlalthmuaka Sailo (L), T-Sec. chu Ebenezer Hospital-ah a kawng zai a ni.

■ Theophil Lawmnakima s/o James Ngurliana, N-Sec. chu Scrub Typhus vangin in lamah enkawl mek a ni.

■ Evan Lalchungnunga, N-Sec. chu taksa chaklohna avangin in lamah enkawl mek a ni.

■ Pu R. Chawngkunga, T-Sec. chu natna hrang hrang vangin in lamah enkawl mek a ni.

■ Pu Nghilhlingthanga, T. Sec. chu Kal (Kidney) tha lo vangin in lamah enkawl mek a ni.

■ Tv. VL. Hmangaihkhima s/o VL. Hmangaihliana, T-Sec. Accident vanga damdawiina awm chu in lamah enkawl chhunzawm turin a lo chhuak.

■ Tv. Lalmuanpuia b/o Siamtei, T-Sec. chu accident vangin ZMCH-ah enkawl mek a ni.

**THILDANG****Ruangchhuak:**

C. Rohmingthanga, K-78 chu ni 13.1.2026 dar 5:00 AM khan ZMCH, Falkawn ah a boral a, a ruang hi Pi Lalrinawmi Fanai, N-Sec. in a la a, ZMCH atangin an khua Darlawn panpui nghal a ni.

**LOCAL COUNCIL**

■ Ramhlun North Community Hall, Taitea Tuikhur bul ah two wheeler tan garage luah tur a awm a, hrechiang duh tan Pu Rothangpuia, Local Council, Vice Chairman hnenah ngaihven theih a ni e. Ph: 9436710346

**LAWMAWM**

■ Pu Reuben MS Dawngkima leh Pi Lalngaihawmi te nupa S-sec te chuan LRM Hospital ah fanu an nei thar.

E-STARCOMPUTERCENTRE

(MSCTE Govt' Approved Institution)

FREE ADMISSION, 2026

DCA-1&2 (JANUARY TO JUNE) ZIR

DUH TAN (5-1)

Admission a tih leh theih ta e.

Contact no-8731875084/7005421131

PAN CARD, Aadhaar card download,

Employment Registration, Tribal, Income,

Residential certificate leh In hmun hming

thlak kan buaipui thei theih baw e.

ER ZOSANGLIANA BUILDING ZOTE

ARCADE 3RD FLOOR NEAR D-

3, OPPOSITE NAZARETH HOSPITAL

RAMHLUN NORTH AIZAWL

Admission Notice

Kids Den School, Chaltlang chuan session 2026-27 atan Preschool leh KG-I admission a hawng mek e.

Hrechiang duh tan:

Ph: 8974812733 (preschool)

Ph: 9366599743 (KG I)

Sd/-Principal (2-1)

LO/HUAN NEITE TANATHU LAWMAWM

Lungchuang Trades chu Directorate of Agriculture & Farmers' Welfare hnuia Empanel Supplier Kan nih ang in a hnuia Huansam khawl (Brushcutter) leh Power Tiller (Leilehna) te hi ngaihven theih a ni e:

Brushcutter:

1. Husqvarna 321R

2. Husqvarna 331 R/RB (a hnungpuak leh hawl chi)

3. Neptune BC-520

4. Honda GX-35 Neptune BC-99/BPK-99 (4 Stroke a hnungpuak leh a hawl chi)

Power Tiller (9HP):

1. Neptune NPW-177FE (Petrol Self Start)

2. Neptune NWD-186FE (Diesel Self Start)

3. Husqvarna TF 545D+ (Diesel a pawh nun/Self-Start; tui pump khawl, buh sengna leh sprayer vuah nghal theih)

Husqvarna hi Sweden Company tha leh khawvel puma ber kai niin. Neptune hi India Company rintlak leh Brand lian zawkte pawh in a an khawl an remkhawmna (OEM) an ni baw e.

Tin, kan bungraw supply-ah Company Warranty kum Khat kan pe baw e.

Hrechiang duhtan a hnuia mi ah hian zawhfiah theih reng a ni:

**Lungchuang Trades,
Ramhlun North,
Near Zangena Petrol Pump
Contact: 9436757708**

ARTICLE

THIHNA LEH RAMHLUN NORTH, 2025

- Lv-a

Thihna hi chu mihring tu pawh hian kan la hmachhawn vek tur, pumpelhl rual loh leh kan hma lama min lo hmuak rengtu a ni a. Kan hmangaihten mual min liamsan meuh chuan, kan lo atchilh ve em em khawvel ropuina leh nawmsaknate tlawm zia kan hrechhuak thar thin. Hei hian kan mihring nun derdepzia leh engmah lo kan nihzia a tarlang fiah hle a ni. Kum 2025 chhung khan kan veng, Ramhlun North chuan ui tak chungin mi 58 zet kan thlah liam a ni.

United Nations chuan mihring dam chhung kum hi hetiang hian a thliar hrang a: Naupang: Kum 0–14, Thalai: Kum 15–24, Thalai Puitling: Kum 25–44, Kum Laihawl: Kum 45–59, Upa Lam: Kum 60–74, Senior Citizen: Kum 75 leh a chung lam.

India ram bikah chuan National Youth Policy (2014) chuan, "Thalai" tia a chhiar te chu kum 15–29 inkar an ni thung.

Hetianga kum bituk dan hi ram hrang hrang, hnam nunphung (culture), leh khawtlang inenkawl dan a zirin a danglam fur thin a. Mizo ten kum bi kan tuk dan pawh hi a dang deuh a. Naupang, Thalai, Pavalai/nuvalai leh kum upa (tar) tiin kan then mai thin. A kum zat bithiah Chiang tak kan nei vek lo a. Kohhranin thalai kum bithliah felfai takin a nei a, heihi a nawlpuiin kan ring deuh ber a. Hemi thalai kan tehna atang hian rin dan tawk chu kan thiam thei tho awm e. Naupang: 0-15, Thalai: 16-40, Pavalai/Nuvalai: 41-60/65, Kum upa: 66 chunglam. Pavalai/Nuvalai hi kum bithliah a awm chiahlo deuh a, Kohhran Pavalai Pawl a din takah phei chuan kum 70 dawn thlenga inhmang pawh an awm a, hengte avang hian chumi kum zat chu a ni, han tih fak a har a. Mahse, tuna kan ziah lan ang hian han ring chhin ta ila.

Kum	Zat
0-15	1
16-40	15
41-60/65	16
66+	26
Mipa	36
Hmeichhia	22
TOTAL	58

Kum upate hi kan khawtlang leh chhungkaw "Library" nung an ni a, kum 2025 chhung khan kum upa lam kan chan nasa hle mai. Pavalai/nuvalai in an dawt a, thalai in dawt leh a ni. Naupang thihna a tlem hle hian naupang enkawl na leh hriselna kawngah hmasawmna ropui tak kan nei tih a tarlan bakah hmalam hun (future generation) kan nei tha hle tih a tarlang a, veng tan beiseina sang tak a awm a ni. A pawimawh ber erawh Pathian malsawmna a ni tih hai rual a ni lo.

Health & Wellness Centre, Ramhlun chhinchhiah danin kum 2025 khan Ramhlun North ah nau piang 75 kan awm a (Mipa-34, Hmeichhia-41). Heng data te hi kan en chuan mipa te hi kan hek hle tih a lang Chiang hle. Tin, National Bank for Agriculture and Rural Development (NABARD) Mizoram Regional Office, Aizawl in a an tih chhuah, Mizoram State Focus Paper (SFP) 2025-2026 a Mizoram mihring dam rei zawng an tarlan chu kum 72.1 a ni a. Hmeichhe dam rei zawng hi kum 78.4 niin Mipa kum 66.9 a ni thung.

Mipa leh hmeichhe dam rei zawng inthlauhna hi khawvel pumah thil thleng tlangpui a ni a. Mi tam tak ngaihdan ah chuan mipa te hian kan taksa kan duat lo zawk a, (kan thil ei dan, zuk leh hmuam, zu leh kan hnathawh dan chenin) hengte avang hian mipa hi an thi hma zawk niin an ngai. Mi thiamte chuan kan nun dan phung vang a nih rualin hmeichhia leh mipa danglamna (biology) vang a nih thu an sawi thung.



ADVERTISEMENT

MAFELA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.

Rate: Inbiakremna **Ph: 9233440125** (10-3)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e thawk thei e (20-13)

Contact - 9862344971 Bawngkawn South

TLUANGTEA SEPTIC TANK SERVICE

Septic tank khat paih leh repair kan ti thei reng a, rate chu inbiakremna a ni ang.

Contact: 6033373188/9612376373

C/o Marina: 9436140350 (5-5)

FANAISEPTIC TANK SERVICE

Septic tank paihfai leh repairing engkim kan thawk thei a, experience tha tak kan nei e. Rate hi INBIAKREMNA (5-4)

Mb. 9863524969/ 9366506115

VANLALFELA SEPTIC TANK SERVICE

Septic tank paih fai, commode block, pipe, soak pit tha lo leh a thar pawh kan siam theih reng e. Kan silhnu a felfai a, service hlun leh rin tlak kan ni e. Hmanrua engkim kan intodelh bakah kan rate a tlawm.

Contact: 9436199884 (10-7)

PUIA SEPTIC TANK SERVICE

Septic tank paihfai, commode block, pipe, commode fitting, soak pit leh a khur repairing engkim kan khawih thei e.

Rate: INBIAKREMNA (10-7)
6909266562

L.R SEPTIC TANK SERVICE

Septic tank paihfai, pipe fitting, Commode block, soak pit repair leh a khur repairing engkim kan thawk thei e.

RATE : INBIAKREMNA (20-3)
7630842234/7628867799


KC TUI

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.

Ph: 7005010327 / 9774223462 (10-3)

NEUHOF SCHOOL ADMISSION OPEN FOR 2026-2027

Kum 2026-2027 session atan Neuhof School-a LKG to Class IX (Day Scholar lel Hosteller) lut thar turte tan Admission hawn a ni leh dawn a, Ni 2 February 2020 atangin Prospectus lak chhuah theih a ni ang.



Admission ti tur tana hriattur:

- * Second Term Exam-a 60% chin hmute tan
 - * Direct Admission a tih theih ang.
 - * Middle leh High School tan Written leh Personal Interview a awm ang.
 - * Primary Section (LKG - Class IV) tan Personal Interview a awm ang.
 - * Written leh Interview hi ni 14 Februay 2026 (Saturday) ah neih a ni ang.
 - * Result hi ni 18 February 2026 (Saturday) ah tar chhuah a ni ang a, hemi ni atang hian Admission tih tan theih nghal a ni ang.
- Activity hrang hrang ngaihpawimawhna hmun; Smart Classroom bakah Counsellor-in a awm chilhna hnuaiah ngei i fate rawn luhtir ve rawh le.

Contact: 8414048036 (3-1)